

〔德川家譜七
高松〕賴重

元祿八年乙亥四月十二日卒于高松年七十四葬于佛生山盤若臺謚曰源英

〔先哲叢談二〕林忠、一名信勝○中私謚文敏

林恕、一名春勝○中私謚文穆

林憲、一名信篤○中私謚正獻

〔鶴峯文集七
哀悼〕西風淚露上

先考○信勝題敬吉墓碑曰於乎林左門之墓蓋其效延陵季子之法乎朱文公誌長子塾壙曰亡嗣子壙記今余聊徵之題其小碑曰嗚呼亡嗣子慤之墓未及刻其履歷野節坂亭等與憲胥議私謚曰穎定先生節作其議余曾私謚先妣曰順淑孺人謚先考曰文敏先生先考才德高齡不可無謚先妣其配也奉謚無妨也靖沒時野節請謚余亦預議其事使孤憲立碑曰貞毅先生爲子尊父之禮不爲過也汝年少余若議謚則溺於愛之過也故不肯許之且夫張橫渠沒時門人請謚之程明道欲從其議尊其德之故也司馬溫公不從之者追思張子素志也自大夫以下無謚者古之法也雖士庶隱者私謚之者漢世以來之例也張子好古禮故溫公不許之然則余不謚汝協汝之志乎節憲等固請謚之者稱汝才也故余自不謚使彼等謚之者斟酌舊禮也不知汝靈謂何本朝之古天子之外任太政大臣者有謚所謂忠仁公○藤原昭宣公○藤原貞信公○藤原基經平之類也及佛法大行天子相國皆混僧徒故桓武以後無謚兼家以來有入道之稱僅以院號代謚號是以中古漫不授院號今世雖凡夫俗女死則有院號皆僧徒貪施物之所爲也姑舍是本朝謚號中絕六百餘年其間唯藤師賢謚文貞公而已師賢子長親好儒學行三年喪事見新葉集想夫長親追古禮爲之也以惺窩先生○藤原肅之德其子不奉謚者非無遺恨余與靖議奉謚考妣者孝哀之過人以爲僭亦不辭其罪也今謚汝者憲與節亦可不辭其罪乎

〔水戸義公行實〕貞享十三年十二月六日甲子曉晏然薨于西山○中參議公議儒臣曰謚之曰義公